



IROMAG

Odlazni studenti



by IROUNMO

U OVOM BROJU

**FONDACIJA ARMANOV
ZAGRLJAJ**

BRUCOŠKA VEČER 2022

**DAN
INTERNACIONALIZACIJE**

MAŠINSKI FAKULTET

**KONFERENCIJA -
PROJEKAT INSTREAM**

**MEĐUNARODNI DAN
STUDENATA**

Svjetski dan Dijabetesa najveća je svjetska kampanja podizanja svijesti o šećernoj bolesti. Obilježava se od 1991. g na inicijativu Međunarodne dijabetičke federacije i Svjetske zdravstvene organizacije kao odgovor na sve veći broj oboljelih od šećerne bolesti-tihog ubojice modernog doba. Svjetski dan šećerne bolesti obilježava se 14. novembra na rođendan Fredericka Bantinga koji je zajedno s Charlesom Bestom prije 100 godina uspješno izolirao hormon inzulin, jedan od najvažnijih otkrića u liječenju šećerne bolesti. Otkriće inzulina promijenilo je svijet. Inzulin je od tada spasio milijune života i smatra se jednim od najvećih medicinskih dostignuća svih vremena.

FONDACIJA ARMANOV ZAGRLJAJ

By IROUNMO

U rektoratu Univerziteta "Džemal Bijedić" u Mostaru upriličena je dodjela nagrada za pet najboljih studenata Univerziteta "Džemal Bijedić" u Mostaru. Dodjeli nagrada prisustvovali su Sanjin i Adisa Hadžiomerović, osnivači Fondacije "Armanov zagrljaj", rektorica Univerziteta "Džemal Bijedić" u Mostaru prof. dr. Alena Huseinbegović, prorektor za međunarodnu i međuuniverzitetsku saradnju prof. dr. Rijad Novaković, prorektor za nauku i naučno-istraživački rad doc. dr. Emir Nezirić, predsjednik Unije studenata Kenan Begović, te nagrađeni studenti.

Rektorica Univerziteta prof. dr. Alena Huseinbegović je izrazila zahvalnost Fondaciji „Armanov zagrljaj“ za dodijeljene nagrade najboljim studentima Univerziteta "Džemal Bijedić" u Mostaru. Prisjetila se proživljene boli zbog tragične nesreće u kojoj je pet osoba izgubilo život, među kojima je bio i Arman. Istakla je da je naš Arman bio posebno dijete, izuzetno talentovano, druželjubivo i dobronamjerno. "Sretna sam jer sam ga poznavala. Zauvijek će ostati u našim srcima" kazala je rektorica prof. dr. Alena Huseinbegović.

Studenti koji su nagrađeni od strane Fondacije i ostvarili najbolje rezultate u prethodnoj akademskoj godini su:

-**Merima Elezović** (Građevinski fakultet)

-**Lejla Eminović** (Dizajn interijera)

-**Nejla Graho** (Nastavnički fakultet)

-**Omer Ćosić** (Ekonomski fakultet)

-**Amina Rizvić** (Fakultet humanističkih nauka)

Sanjin Hadžiomerović iz Fondacije „Armanov zagrljaj“ se zahvalio rukovodstvu Univerziteta na ostvarenoj saradnji, a najboljim studentima i dobitnicima nagrada je čestitao na ostvarenom uspjehu, te im je poželio puno sreće i još više uspjeha u budućnosti.




BRUCOŠKA VEČER 2022

By IROUNMO

U organizaciji Univerziteta "Džemal Bijedić" u Mostaru, a uz pomoć i podršku Unije studenata Univerziteta "Džemal Bijedić" u Mostaru i Tehničkog kluba Univerziteta "Džemal Bijedić" u Mostaru - BEST Mostar, kao i uz pomoć prijateljskih kompanija i sponzora (BH Telecom; SC Hercegovinapromet; PM Company; Red Bull) za sve brucoše i nove studente Univerziteta upriličena je nezaboravna **BRUCOŠKA VEČER 2022!**

U prepunoj sali Studentskog hotela Mostar studentima se obratio predsjednik Unije studenata Kenan Begović, nakon čega su brucoši uz večeru i druženje imali priliku da se međusobno bolje i kvalitetnije upoznaju, dok je za zabavu i sjajnu atmosferu zaslužan bend "KO SU OVI".

Svim brucošima Univerziteta "Džemal Bijedić" u Mostaru upućujemo dobrodošlicu na naš Univerzitet uz želju da ostvare mnogo uspjeha tokom studiranja!




DAN INTERNACIONALIZACIJE

By IROUNMO

U četvrtak 27.10. u amfiteatru Mašinskog fakulteta jod 10:00 do 14:00 održan je Dan internacionalizacije na UNMO.

Osim promocije Erasmus+ programa i diseminacije Erasmus+ CBHE projekta akronima INTERBA: INTERNationalization at Home: Embedding Approaches and Structures to Foster Internationalization at Western Balkans, prisutni gosti Univerziteta ali i nastavno osoblje i studenti su mogli čuti prezentacije o projektinm idejama koje se trenutno razvijaju na Mašinskom, Nastavničkom i Fakultetu informacijskih tehnologija. Ovim je stavljen fokus na Univerziteta kao projektno orjentisanu instituciju. Prisutni su mogli čuti i prezentaciju o radu Kancelarije za međunarodnu saradnju iz perspektive studenata.

Događaj u sklopu aktije organizovan u sklopu aktivnosti projekta INTERBA.



MAŠINSKI FAKULTET

By IROUNMO

U nedjelju 20.11.2022. počinje 22. Svjetsko prvenstvo u nogometu. Institut za mašinstvo Mašinskog fakulteta Univerziteta "Džemal Bijedić" u Mostaru je dao svoj mali doprinos da stvari funkcionišu kako treba.

Ekipe iz Laboratorije za vibracije i tenzometriju je bila angažovana od strane STRABAG-ZUBLIN international na poslovima detekcije uzroka povišenih vibracija na pumpnoj stanici otpadnih voda u južnom distriktu grada Doha, kao i prijedlogu procedure otklanjanja uzroka istih. Obzirom da je problem uspješno riješen, svjetsko prvenstvo može da počne.



Univerzitet "Džemal Bijedić" u Mostaru
 Mašinski fakultet




Date: 09.03.2022.
 Nr.: 1904/2022

REPORT
on pump plant motor modal analysis

Doha south terminal pump station and regional odour control system

Done by:

 dr. Emir Nezirić, assist.prof.


 Director:
 dr. Edin Džihović, assist.prof.

Mostar, March 2022.

firma ATT je organizovala obuku za "CNC operater".

Kroz 45 dana, polaznici su sa iskusnim inženjerima firme ATT i profesorima sa Mašinskog fakulteta Univerziteta Džemal Bijedić Mostar, prošli kroz teoretski i praktični dio obuke, radili su na CNC mašinama u postrojenju firme ATT.

Nakon završene obuke, izvršeno je finalno testiranje te dodjela certifikata.

10 osoba je dobilo posao odmah po završetku obuke.



KONFERENCIJA - PROJEKAT INSTREAM

By IROUNMO

Predstavnici Univerziteta „Džemal Bijedić“ u Mostaru: prorektor za međunarodnu i međuuniverzitetsku saradnju prof. dr. Rijad Novaković, prorektor za nauku i naučnoistraživački rad doc. dr. Emir Nezirić i generalni sekretar Alim Abazović učesnici su svečane konferencije povodom potpisivanja ugovora koji se odnosi na početak realizacije projekta „Introducing Student Research Mobilities to BiH Unis“ – INSTREAM. Projekat se realizuje u okviru poziva „Facilitation of academic exchange between Higher Education Institutions in Bosnia and Herzegovina“ koji je finansiran od strane EU Delegacije u Bosni i Hercegovini.



Predstavnici Univerziteta „Džemal Bijedić“ u Mostaru su nakon svečane konferencije uzeli učešće na radnom sastanku za INSTREAM projekat, gdje su razgovarali o početku i vremenskom okviru realizacije projekta i projektnih aktivnosti, budžetu i radnim paketima.

Pored službenih predstavnika, Univerzitet su predstavljali i studenti – predstavnici Unije studenata Univerziteta „Džemal Bijedić“ u Mostaru: Kenan Begović, Sara Kazazić, Aida Agić i Amir Čaušević.



Predstavnici Univerziteta „Džemal Bijedić“ u Mostaru su nakon svečane konferencije uzeli učešće na radnom sastanku za INSTREAM projekat, gdje su razgovarali o početku i vremenskom okviru realizacije projekta i projektnih aktivnosti, budžetu i radnim paketima.

Pored službenih predstavnika, Univerzitet su predstavljali i studenti – predstavnici Unije studenata Univerziteta „Džemal Bijedić“ u Mostaru: Kenan Begović, Sara Kazazić, Aida Agić i Amir Čaušević.

MEĐUNARODNI DAN STUDENATA

By IROUNMO

Širom svijeta obilježava se Međunarodni dan studenata u znak sjećanja na 17. novembar 1939. godine, kad su nacisti pogubili 20 praških studenata, a njih više od 1.200 poslali u koncentracione logore, zbog protesta protiv okupacije Češke.

Na ovaj dan studenti prezentuju i slave svoj angažman socijalne odgovornosti, okupljaju se u kampusima i iznose razloge zašto se bave volonterskim radom, svoje učešće u zabavnim takmičenjima, prepuštaju se uživanju u studentskim slasticama, ogovaraju studentske unije i žale se na školarine.

Godine 1939. nacističke vlasti su zaustavile demonstracije u Pragu koje su u znak nezavisnosti Čehoslovačke Republike pokrenuli studenti Medicinskog fakulteta Karlovog Univerziteta. Tokom demonstracija student Jan Opletal je ustrijeljen i preminuo je 11. novembra.

15. novembra, njegova pogrebna povorka koja se sastojala od hiljada studenata, pretvorena je u anti-nacističke demonstracije. Nacisti su na demonstracije odgovorili zatvaranjem svih ustanova visokog obrazovanja i poslavši više od 1200 studenata u koncentracione logore. 17. novembra devet studenata i profesora je strijeljano. Zbog toga, ovaj dan obilježava se kao Međunarodni dan studenata. Prvi Međunarodni dan studenata obilježio se 1941. godine.

Zanimljivo je da su se na ovaj datum dogodili i drugi događaji koji su povezani sa studentskim nemirima. 1973. godine grčka vojska je napala na zgradu atenske politehnike, u kojoj su se zabarikadirali studenti. Otpor studenata je predstavljao početak kraja diktature, koja je trajala do jula sljedeće godine. Zbog tih događaja Grčka je 17. novembar proglasila kao Dan grčkih studenata. 17. novembra 1989. godine se dogodio i otpor studenata u Čehoslovačkoj. Češki i slovački studenti su se suprotstavili vladi koja je željela ugušiti pobunu studenata protiv komunističkog režima. Njihov otpor je predstavljao početak takozvane baršunaste revolucije, koja je pomogla padanju režima. U Češkoj i Slovačkoj se ti događaji povezuju s borbom za slobodu i demokratiju, te se 17. novembar slavi kao nacionalni praznik.



abahija - sukneni konjski pokrivača
hafiz - čovjek koji zna čitav Kuran
napamet
beli, benbeli - baš tako, zaista

ćeif - uživanje.
eziijjetiš - zanovijetaš
kabast - velik, krupan

IROMAG



/iro.unmo



@iro.unmo



/iro.unmo

IROMAG TEAM
MIRSADA BEHRAM
LEJLA ŠKALJIĆ
LEJLA REPEŠA
HUSEIN MARIĆ

